



Broj: 05-4730-5/20
Sarajevo, 30.11.2020. godine

Na osnovu člana 23. stav (1) tačka r) Zakona o Agenciji za bankarstvo Federacije BiH ("Službene novine Federacije BiH", broj: 75/17), člana 16. stav (1) tačke n) i t) Statuta Agencije za bankarstvo Federacije BiH ("Službene novine Federacije BiH", broj: 3/18), člana 64. stav (1) tačka b), člana 70. st. (1), (3) i (6) Zakona o javnim nabavkama ("Službeni glasnik BiH", broj: 39/14) i člana 8. stav (2) tačka d) Pravilnika o uspostavljanju i radu Komisije za javne nabavke iz Zapisnika o pregledu i ocjeni ponuda broj: 05-4730-4/20 od 27.11.2020. godine, direktor Agencije za bankarstvo Federacije BiH donosi

ODLUKU **o izboru najpovoljnijeg ponuđača u postupku javne nabavke usluga**

Član 1.

Prihvataju se preporuke Komisije za provođenje postupka javne nabavke usluga održavanja telefonske centrale i telefonskih aparata za potrebe Agencije za bankarstvo Federacije BiH (Zapisnik broj: 05-4730-4/20 od 27.11.2020. godine) da se okvirni sporazum za predmetnu nabavku zaključi sa ponuđačem „TELERAD“ d.o.o. Sarajevo.

Član 2.

Ukupna ponuđena cijena usluga iz člana 1. ove odluke za period od jedne godine iznosi 24.951,00 KM, bez poreza na dodanu vrijednost (PDV).

Član 3.

Ova odluka bit će objavljena na službenoj web stranici Agencije, istovremeno sa upućivanjem iste ponuđaču koji je sudjelovao u predmetnom postupku javne nabavke, u skladu sa odredbama člana 70. stav (6) Zakona o javnim nabavkama.

Član 4.

Za realizaciju ove odluke zadužuje se Odjel za opće i kadrovske poslove pri Sektoru zajedničkih funkcija.

Član 5.

Ova odluka stupa na snagu danom donošenja.

O b r a z l o ž e n j e

Odlukom o pokretanju postupka javne nabavke usluga, broj: 05-4730/20 od 06.11.2020. godine odobreno je provođenje postupka javne nabavke usluga održavanja telefonske centrale i telefonskih aparata za potrebe Agencije za bankarstvo Federacije BiH. Javna nabavka sprovedena je putem konkurentskog zahtjeva za dostavu ponuda, uz odabir najniže cijene tehnički zadovoljavajuće ponude kao kriterija za dodjelu okvirnog sporazuma. U skladu sa članom 35. Zakona o javnim nabavkama, Obavještenje o nabavci broj: 3010-7-2-269-3-58/20 objavljeno je na Portalu javnih nabavki (ejn.gov.ba)

dana 09.11.2020 godine. Procijenjena vrijednost javne nabavke utvrđena je u ukupnom iznosu od 28.000,00 KM, bez poreza na dodanu vrijednost (PDV).

Posebnim Rješenjem ugovornog organa imenovana je Komisija za javne nabavke, kojom su definirane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, Komisija za javne nabavke je u okviru svojih nadležnosti i ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda u kojem je konstatovano da je po predmetnom postupku nabavke pravovremeno pristigla 1 (jedna) ponuda.

Na osnovu izvršene analize i ocjene prispjele ponude u pogledu kvalifikacijskih i cjenovnih uslova nadmetanja, komisija je utvrdila:

- da je ponuda ponuđača „TELERAD“ d.o.o. Sarajevo kvalifikovana i prihvatljiva, te da su dostavljeni svi traženi dokazi propisani tenderskom dokumentacijom, na propisan način.

U postupku donošenja ove odluke posebno su cijenjene činjenice da je komisija, pravilno i potpuno, izvršila ocjenu kvalifikovanosti navedenog ponuđača te pregled i ocjenu ponuda, u skladu s kriterijima iz tenderske dokumentacije.

U postupku ocjene provedenog postupka, ocijenjeno je da je komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uvidom u priloženu dokumentaciju vidljivo je da je izabrani ponuđač najbolje ocijenjen na osnovu zadanih kvalifikacijskih i cjenovnih uslova nadmetanja, pa je komisija dala preporuke da se istom, saglasno članu 69. stav (1) tačka a) Zakona o javnim nabavkama, dodijeli okvirni sporazum u predmetnom postupku javne nabavke usluga.

Uvažavajući sve navedeno, primjenom člana 64. stav (1) tačka b), člana 70. st. (1), (3) i (6) Zakona o javnim nabavkama i člana 8. stav (2) tačka d) Pravilnika o uspostavljanju i radu Komisije za nabavke, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba ugovornom organu – Agenciji za bankarstvo Federacije BiH, najkasnije u roku od 5 (pet) dana od dana prijema ove odluke, saglasno članovima 97. i 101. Zakona o javnim nabavkama.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.

DIREKTOR

Jasmin Mahmužić



Dostaviti:

- učesniku u postupku;
- a.a.

